

# INUIT ATAQATIGIIT

## Inatsisartuni



UKA 2017/102  
Nuuk, 26.10.2017  
Iddimanggiu Bianco

### **Nunat Avannarliit Suleqatigiinnerat Pillugu Nassuiaat 2017.**

(Namminiilivinnermut, Nunanut Allanut Nunalerinermullu Naalakkersuisoq)

Siullermik qujanarujussuaq Peqqissutsimut Nunat Avannarliit Suleqatigiinnerannullu Naalakkersuisumut nassuiaammut sukumiisorujussuarmut. Sulianut pingaarutilinnut naqissuserneqartut ersarissumik nassuiaaserneqarnerannik takussutissaavoq pitsaasoq.

Qulequttani annertuuni Nunat Avannarliit Siunnersuisooqatigiit peqataaffigisarpagut Naalakkersuinikkut Inatsisartutigullu, tamakku sunneeqataaffigissallugit Nunatsinniit ilaanni ajornakusoorsinnaanera eqqaalaarusuppara.

Tassa Nunat Avannarliit Siunnersuisooqatigiivini ilaasortat amerlanerpaat nunani annertuunersuupput tassaasut Danmark, Sverige, Finland, Norge aamma Island. Taakkunani ilaasortaasugut Nunat namminersortuusugut Åland, Savalammiut Kalaallit Nunaallu tamakkiisumik ilaasortaanginnerput ajornarsinnaasoq.

Kisiannili tamanna aporfiginagu sutigut tamatigut eqqumaffigisassatigut peqataaniarnissaq pingaaruteqarluinnartuuvoq, tamannalu Nunat Avannarlerni Ministerit Siunnersuisooqatigiivisa suliaani annertuuni nunarput peqataatinneqartoq takussutissaraat.

Savalimmiormiut tamakkiisumik Nunat Avannarliit Siunnersuisooqatigiivini aammattaq Nunani Avannarlerni Ministerit Siunnersuisooqatigiivini ilaasortaalermissartik qinnutigineqarnerat Nunatsinniit soqutiginarluinnarpoq, tamanna Island, Åland aamma Nunarput tapersiisunut ilaapput (ilaavugut). Itigartinneqaraluarluni suli suliatut inissisimanera pissanganartuuvoq qanoq inerneqassanersoq, taassumalu kingunissaa Nunarput siunissami qanoq tamakkiisumik ilaasortanngornissamut suliniarnissamut inissiisuusussaalluni.

Nassuiaammi itisilerneqartut amerlaqaat, inuiaqatigiinni ingerlanermi kikkunnut tamanut attuumassuteqartut ersareqaluni, meeraappata, utoqqaappata aammaluunniit aalisarnermut aalisartunullu attuumassuteqarpat tamarmik ilaapput.

Taamaattumik Nunarput ineriartorneranut pingaaruteqarluinnartut ilagaat nunanut allanut qanoq suleqatigiinnermik ilusilersuinissaq.

Nunani Avannarlerni Siunnersuisooqatigiivi aammattaq Nunani Avannarlerni Ministerit Siunnersuisooqatigiivi suleqatiginerigisigut tamanna ilusiliinermut ullumimut iluatsilluartutut taaneqarsinnaavoq, taamaakkaluartoq ammanerusumik nunatsinni eqqartorneqarnerulernissaa pingaarsorinarpoq.

Suliammi pingaaruteqarluinnartut ulluinnarni atukkatsinnut pitsanngorsaaneramik suliniutaasut ilaasortaaniisinni suliarineqartut nunatsinnut atuutsilernissaanut suleriutigisaaq soqutiginaateqarluinnartuuvoq. Aningaasaliissutigineqartummi nunatsinni atorluarneqartuusut ersarippoq. Tassani NAPA-mik pilersitsinikuuneq tamannalu ingerlalluarneranik inissisimasup eqqaaneqarsinnaasut ilagaat. NORDPLUS taamatuttaaq taaneqarsinnaavoq, allallu projektit

meeqqanit inuusuttuni atorluarneqartuusut qujassutissatut siunissamilu annertusartuagassatut isigisassarivagut.

Kulturikkut pikialarneq nunanilu allaniit avitseqatigiinneq Nunani Avannarlerni misilittagarilersimasagut eriagisassaraagut, uatsinnummi kinaassutitsinnut nukittorsaaqataa neranik kinguneqartarmat. Taamaattumik kikkugalu arutta piorsarsimassutsikkut avitseqatigiinnermik soqutigisaqarluta Nunani Avannarlerni Siunnersuisooqatigiivi aamma Nunani Avannarlerni Miniterit Siunnersuisooqatigiivi tapiinissaannut periarfissarititai eqqumaffigisarnissai kaammattuutigerusuunnarpoq.

Taamaakkalu artoq Nunani Avannarlerni pissutsinut allaalluinnartumik atugaqarnerput eqqumaffigineqartoq, Siunnersuisooqatigiinni suliani annertuuni uatsinnut kinguneqartitsinissaq sulii annertunerusumik suliasatut isiginarsorinarpoq. Imaangittoq peqataatinneqarnerput annikimmat, kinguneqartitsinissarli maqaasinarmat. Tamannalu tamakkiisumik ilaasortaanginnermik peqquteqarsinnaasoq oqaatigineqarsinnaavoq.

Nalunaarummut sukumiilluinnartumut Inuit Ataqaatigiinniit qujaqqippugut, Nunani Avannarlerni Siunnersuisooqatigiinni aamma Nunani Avannarlerni Ministerit siunnersuisooqatigiivini sulillu arnissassinnik kissaassivugut.

Qujanaq